

3 Jon

Jon Minj Kisen Tikak

Minim Nind Niņep

Jon minj day kisen tikak biy, bi Gayas, biynimb Jiysis nup gosimb niņyak gunap kuyip kond mindyngip ak nup tikak.

Minim Ar Keykey Mindip Rek:

Minim nind angak ak mindip, 1-4.

Bi Gayas girep gek Jon nup miñmiñ gak minim ak mindip, 5-8.

Bi Diyotreypis timey gak minim ak mindip, 9-10.

Bi Demetriyas mindrep gip rek dinimimb angak minim ak mindip, 11-12.

Gayas sek, biynimb nuk gok sek kuyip, “Nimb mindpim” angak minim ak mindip, 13-15.

¹Mam Gayas. Nand mindpan? Yand Jon, bi Gor biynimb nuk gok kuyip kond mindpiyn. Nand buņgiy tep yand ak mey, ²Gor nup angniņiy apiyn, “Gayas nup kond mindenimin, tap bap ma ginimuņ apiyn.” Pen nand Gor nup gosimb niņiy, mindrep gipan ak niņbiyn. ³Mam gunap biy apiy, Gor minim niņind yimb ak, kisen ginep mindpan ak angņeyak, yip tep gak. ⁴Per ñapan yand angen, minim niņind ak dipay gok, mindrep gipay anģey niņen, yip tep yimb gip.

⁵Buņgiy tep yand. Yand niņbiyn: mam ay gunap kuyip per direp yimb gipan. Mam ay miñmon paryomb okok nimb, ma niņban gok, kuyip monmon diy, kond mind tep gipan. ⁶Kun gipan ak gunap apiy, biynimb Gor ker mindpay akniy kuyip anģyak, “Gayas Gor biynimb nup gok kuyip, wasemb yimb ayip anģyak.” ⁷Pen kiy Krays minim ak angņi taņgyiņg, biynimb yikop gok kuyip angniņiy, keñmaņgiy tap gok ma dipay. Kun ak ap nip niņiy, kinjeņ bap amniņg anģey, kuyip tap gunap ñey, dand amniņgiy. ⁸Biynimb tep kun ak rek direp giy mey; kiy yip jimñiy, Gor woņg ak gon amrep giniņgamb.

Diyotreypis Timey Gak

⁹Yand Gor biynimb mindpay gok kuyip, minj tiknik ak pen, bi Diyotreypis, biyomb kiyk minden anġiy, minim yand apiyn gunap ma nep niġimb. ¹⁰Kun ak yand mindpim ak amiy, nuk chinup anġjiwi, yerer gip minim ak, anġniġambun. Nuk mam ay Gor minim anġni tapay gok kuyip, ma nep diy, biynimb gunap kuyip diniġ gey, nuk mer anġiy, lotiw biy kisen ma winimimb anġip.

Demetriyas Girep Gak

¹¹Pen mam tep yand. Biynimb gunap miñ timey ar ak gey, nand yip ma ginimin. Biynimb tap siy tap timey giyiġ mindpay gok Gor ker ma mindpay. Mindrep giyiġ mindpay gok, Gor ker mindpay.

¹²Nand niġban: yand minim yesek ma apiyn. Mam Demetriyas minim niġind yimb chin anġniimbun ar ak niġiy, yipund gip ar ak nep anġniimb. Biynimb maŋgiysek nup niġiy bi, tep apay. Kun ak nup dinimin.

Minim Day Won Gunap

¹³Yand nip minim kuġaynep anġiy, niw kil tiknim ak pen, ¹⁴maġ mindip, nip jomluk niġiy minim nen anġniġayn.

Namam akniy mindpay gok, “Nip mindpan?” aspay. Biynimb Gor ker nand yip mindpim gok kuyip Jon, “Nimbip mindpim?” anġip anġninin. Gor nimbip kond mindeġ.